

1732 39/32

DECAS  
DESIDERIO-  
RVM IVRI-  
DICORVM  
TERTIA

QVAM  
PRAESIDE  
IO. FRIDERICO WERNHERO, D.  
PANDECT. PROF. PVBL. CVR. PROVINC. ET SCABINAT.  
NEC NON FACVLT. IVRID. ASSESS.  
SVBST.

IN AVDITORIO ICTORVM

D. X. CAL. FEBR. cl<sup>o</sup> 13cc XXXII.

PVBlice VENTILANDAM PROPONET

IO. ANDREAS KLOTZSCH

DIPPOLDISWALDA - MISNICVS.

---

VITEMBERGAE

LITERIS IOANNIS CHRISTIANI GERDESII.


DESSIDERIO  
RVM IVRI-  
DICTORVM  
TERTIA

IO. FRIBERICO WERNHERO, D.  
PANDICT. PROF. PUBL. CIV. PROVIN. ET SCABINAT.  
NEG. NON FACULT. IURID. ASSESS.  
CIVIT.

IN AUDITORIO ICTORVM  
D. N. GALL. VIND. CIV. AN. XXXII.  
IO. ANDREAS KLOTZSCH  
LIBROR. DR. VIND. P. N. N. N.

LEONH. IOANNIS CHRISTIANI GEBRESI





DESID. I.

**M**oderatam in servos conductos castigationem Dominis permitti, eorumque opinionem, qui sententiam hanc tuentur, approbari, publice interest.

*Ratio.* Qui contrarium defendunt, nihil agunt, quam ut malitiis hominum indulgeant contra *l. 38. ff. de R. V.* Malitiam enim in nulla ingenia magis, quam servilia, cadere, nemo forte prudens negaverit. Quo murmure, qua rusticitate &c. Dominos excipiant, quomodo dolose sapius res sibi mandatas præpostere expediant, aliisque infinitis modis Dominos divexent, non est, ut multis commemoretur. His nullum paratum est remedium satis aptum. Dimittere servum, intempestivum quandoque, quandoque non consultum, imo ipsi Domino injuriosum est. Agere contra eundem judicialiter, sæpe ineptum, frequentissime molestum, quandoque difficile est. Haud pauca enim dantur, quibus molestiam crees, neque conveniens remedium, in jure proditum, reperias.

DESID. II.

Tot oppido & manifesto absurdis, inutilibusve, aut otiosis &c. scriptis locum relinquere, merito dolendum.

*Rat. 1.)* Nulla pestis Reipublicæ, otiosis hominibus, gravior est.

Auctores vero talium scriptorum non aliud utique merentur nomen.

- 2.) Qui ejusmodi scripta in lucem protrudunt, sunt *πλανῶντες ἢ πλανώμενοι*. 2. *Tim. III. 13.* Seducunt, quia variis peccatis, ineptiis, illecebris, cavillationibus &c. ansam subministrant, certe sua tabe, otio scilicet, qua ipsi laborant, & alios inficiunt. Seducuntur & ipsi, quia non meminerunt, olim rationem Deo reddendam de tempore, in res nugatorias consumto, de delictis, quæ medirandi occasionem ipsi suggererunt, & de omni otioso verbo, quod scriptis suis immiscuerunt.
- 3.) Jubemur a Deo *ἐργάζεσθαι τὸ ἀγαθόν*. *Ephes. IV. 28.* Ergo nec suffecerit, hujus furfuris scripta nihil vitiosi continere, sed etiam gloriam DEI, proximique utilitatem, sibi propositam habere debebant.

*Exempla* longe arcessi, opus non est, sed fabulæ Romanenses, quas vocant, & similia, quæ totum jam propemodum inundarunt orbem, dimidiam fere librorum partem conficiunt. His otiosi homines potius, quam lectione aut investigatione eorum, quæ ad salutem pertinent, delectantur. Hæc sibi ad imitandum proponunt. Ex his scelera, & quæ sunt alia, ingeniose tegere vel efformare discunt.

### DESID. III.

Munera, natalitiorum, Salvatoris nostri tempore consueta, forte non injuria sub gravi comminatione prohibenda.

*Rat. 1.)* Inapte quotidie infantibus persuaderi solet, hæc a Christo profecta. Qui, si postea resciverint parentum technas, non possunt non de summis mysteriis, rationi, maxime corruptæ, non parum contrariis, & spiritualibus beneficiis, dubium, vel etiam contemptum haud levem, concii-

concupere. Certe ita a divinis, & vero nativitatis Christi fine, ad inania simulacra vocantur.

- 2.) Inter adultos etiam nomen Dei sapius gravissime profanari, audias, dum levissimis quibuscunque rebus, nomen Salvatoris sacrosanctum inepte adjicitur, imo & pro re donata ipsum Christi nomen, haud absque impietatis nota, certe non ita, prout par erat, usurpatur: *Er hätte einen schlechten Heil. Christ bekommen. &c.* Neque vero hæc excusanda putes, quod non animo injuriandi, sed alio sensu, proferantur. Nam & peccata ignorantiae, infirmitatis, & quævis involuntaria, homini imputantur, multo magis ergo talia dicta, in se injuriosa.

#### DESID. IV.

Ludis, comestationibus &c. modum per varias leges positum esse, laudabile quidem, sed dolendum pariter est, in praxi dari veniam corvis, censuram urgere columbas. Optandum etiam, modum illum ulterius proferri.

*Exempla* quidem sunt odiosa; certum tamen est, rusticos legum vigorem, magno suo malo, plus satis in ejusmodi casibus experiri: sed quot inter digniores, in feram usque noctem ludos, comotationes &c. ducere solitos; pœnarum exempla prostant? Forte hi magis affectibus imperare didicerunt, minusque Remp. turbant. Sed rustici in tempesta nocte plerumque rixas, & alios turbis suis de somno, excitant, & tantum non semper verberibus comotationes finiunt.

#### DESID. V.

Jus totius Germaniæ, singularumque provinciarum, in majorem erigi consonantiam, optandum. At fere, id futurum esse, desperandum. Singulos tamen

Status in suis territoriis, cum de jure scripto in ordinem redigendo, tum de jure singulorum locorum consuetudinario annotando, meditari, non abs re foret.

- Rat. 1.)* Summa juris incertitudo, quæ, dum Jurisprudentia Judicum subest arbitrio, indies magis magisque augetur, id summopere efflagitat. Quilibet enim suas sectatur opiniones. Hic præfert Jus Civile Rom. alter Germanicum, tertius Canonicum, quartus singulares juris aut æquitatis rationes allegat. Ita justitia judicantium libidini subiacet.
- 2.)* Infinitis litibus, quæ circa recepta jura & consuetudines, earumque probationem, quotidie oriuntur, facile carere possemus.
- 3.)* Tanta est Legum farrago, ut vix Jctus reperiri possit, qui omnes meminerit. Multo magis ergo plebi ignoscendum, quæ tamen nihilominus juxta leges, sæpe nec visas, nec auditas, judicatur.

*Exemplum.* Desiderio huic satisfecit olim Carolus VII. Fr. Rex, qui, referente SCHILTERO *Exerc. I. §. 9. Lit. b.* consuetudines municipales cujusque provinciæ, pagi, præsidatus, convocatis provincialibus uniuscujusque ordinis hominibus, in scripta redegit, quæ, quoties opus, auctoritate Regia reformantur.

#### DESID. VI.

Juramenta, lege prohibente præfita, nulla declarari, rationis quidem est. Attamen pœnam, nulliter scienterque juranti, dictari, religio postulat.

*Ratio.* Qui juramentum præstitit, atque illud, ceu nullum, impugnat, agit quidem lege permittente, sed manifesto contra conscientiam. Sane jurans profanati Divini nominis crimine absolvi nequit.

*Exem-*



*Exemplum.* Laudabiliter *Mand. Reg. Elect. d. 29. Dec. 1718.*  
vid. *O. P. R. S. num. XXV.* cambium a minori, vel sub  
potestate patria constituto, datum, nullum declarari, li-  
cet clausula juratoria inserta; propter nominis divini ab-  
usum vero pœnam & creditori & debitori arbitriam  
dictari, jubet.

DESID. VII.

Tempus partus legale suo relinquendum loco.  
Sed illud rationi repugnare videtur, quod purgato-  
rium sceminae dictari haud debeat, neque juramentum  
deferre liceat, nisi specialis persona, vel circumstantiæ,  
exprimantur.

- Rat. 1.)* Procul dubio ita sapius fiet, ut vilissimæ quævis  
personæ, prostibula &c. JCtos, adversarios, & Panso-  
phiam Juridicam falsè rideant. Quod ne fiat, omnino  
JCtos providere, par est.
- 2.) Aut sunt sceminae, partum septimestrem &c. enixæ, no-  
centes, aut innocentes. Si posterius, non est, cur recu-  
sent juramentum, maxime cum ita innocentiam manife-  
stiosem reddant, suspicionemque tollant. Nocentibus  
vero jura prodesse, indignum.

DESID. VIII.

Accuratus, antequam Minister Ecclesiæ vocetur,  
in Candidatorum eruditionem, & mores inquiri, at-  
que ex iis optimum quemque eligi, optandum. In-  
dignos etiam vocantibus jacturam Juris Patronatus di-  
ctari, haud indignum videtur.

- Rat. 1.)* Ordine præpostero prius vocatur, & deinde exami-  
natur Ministerii Candidatus. Sapius etiam aliquid indul-  
geri solet, ne turpem repulsæ notam ferat. De vita ante  
acta plerumque nec cogitatur.
- 2.) Si aliquot una examinarentur, atque meliori palma de-  
ferretur, & Ecclesiis melius prospectum, & Patroni turpi  
Simonæ

Simoniam suspicionem immunes forent, ipsi quoque vocandi majorem sanctitatis, diligentiam, & temporis, rationem omni dubio procul haberent.

- 3.) Quam parum honori divino & ædificationi Ecclesiam in vocandis Ecclesiam Ministris litetur, sed aliam causam secundariam respiciantur, non opus est, multis commemorari.

DESID. IX.

Imprudentiam, imperitiam, aut negligentiam Advocatorum Clientibus nocere, durum videtur.

*Ratio.* Quamvis enim imputare sibi debeat Client, quod hunc selegerit, attamen id nec culpam nomine insigniri recte potest, quia in Clientis potestate non est, judicare de rebus, quas haud intelligit, imo, quid imputetur ei, qui publice examinatum & approbatum consulit?

DESID. X.

Relutionem, intra tempus, jure definiendum, cuius debitori indulgeri, æquitas desiderare videtur.

*Ratio.* Per quas collusiones, fraudes, & alia &c. prædia quandoque vilissimo pretio veneant, quotidiana docet experientia. Miseri vero debitores ad incitas ita præter culpam rediguntur. Et ipsis ergo, & Reip. magis consultum videtur, si alium pinguiorem emtorem ex intervallo quærere liceat.







Wittenberg., Diss., 1732


VD 18

ULB Halle 3  
004 574 621



58-706

Wittenberg. Schulverkäufte





1732 39/32

DECAS  
DESIDERIO-  
RVM IVRI-  
DICORVM  
TERTIA

QVAM  
PRAESIDE  
IO. FRIDERICO WERNHERO, D.  
PANDECT. PROF. PVBL. CVR. PROVIN. ET SCABINAT.  
NEC NON FACVLT. IVRID. ASSESS.  
SVBST.

IN AVDITORIO ICTORVM  
D. X. CAL. FEBR. c1o 18cc XXXII.  
PVBLICE VENTILANDAM PROPONET  
IO. ANDREAS KLOTZSCH  
DIPPOLDISWALDA - MISNICVS,

VITEMBERGAE  
LITERIS IOANNIS CHRISTIANI GERDESII.

